


樂瓔珞莊嚴方便經

百五十七
卷七

48355



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置

樂瓔珞莊嚴方便經

亦名轉女身
菩薩問答經

豈

姚秦罽賓三藏法師曇摩耶舍譯

如是我聞一時佛住王舍城耆闍崛山與大
比丘眾五百人俱菩薩八千眾所知識皆得
諸通諸陀羅尼得無礙辯成就具足無生法
忍得無所畏無量佛所種諸善根進入大乘

其名曰佞泯陀羅菩薩摩訶薩持地菩薩摩
訶薩地王菩薩摩訶薩持眾菩薩摩訶薩
持入會菩薩摩訶薩照意菩薩摩訶薩過意
菩薩摩訶薩增意菩薩摩訶薩無邊意菩薩
摩訶薩增益意菩薩摩訶薩愛見菩薩摩訶
薩善見菩薩摩訶薩見適意菩薩摩訶薩見

一切義菩薩摩訶薩一切吉利菩薩摩訶薩
賢劫諸菩薩摩訶薩彌勒為首在眾而坐
時大德須菩提於晨朝時執持衣鉢來詣佛
所頂禮佛足白佛言世尊我昨夜夢見有如
來坐於道場我時即禮是世尊足是佛世尊
以金色右手摩於我頂說如是言須菩提汝
於今日未曾聞法當得聞之世尊是何先瑞
佛言須菩提是善男子善女人等得聞希有
未曾聞法是其先瑞須菩提白佛言世尊我
今欲往王舍大城次第乞食佛言須菩提汝
知是時世尊聽已時大德須菩提即便入於
王舍大城次第乞食至異長者家到已在中

門所默住乞食是時家中有一女人從內而
出端正第一盛色美妙極爲端嚴有大威德
以諸瓔珞而自嚴飾是諸珍寶互相振觸有
妙音聲旣至外已語大德須菩提大德何緣
中門而立須菩提言姊我乞食故在門而坐
女言大德須菩提汝今故有乞食想耶大德
須菩提猶故未知於食想耶須菩提言姊我
知食想而是身由父母不淨之所聚集飲食
長養是故不能離食而坐女言大德須菩提
汝今不證於無明滅乃至證生老死滅耶須
菩提言姊我證滅已女言大德須菩提滅中
有身食長養耶須菩提言姊滅更無法女言

大德若其滅已更無有法大德須菩提云何
而言身食長養須菩提言姊入滅定者除諸
受想起滅定已身有長養女言大德須菩提
而是滅者有生滅耶須菩提言姊而是滅者
無生無滅是畢竟滅女言大德須菩提若其
是滅畢竟滅者云何養身須菩提言姊世尊
聲聞遊行乞食長養身故女言大德須菩提
世尊說汝行無諍第一須菩提言姊如汝所
言女言大德須菩提無諍者有行非行耶須
菩提言姊是無諍者無行非行女言大德須
菩提何故乞食須菩提言姊我乞食者不爲
長身而行乞食爲羸命故除諸受故我行乞

食女言大德須菩提汝今故為諸受牽耶須
菩提言我今不為諸受所牽以除受故我行
乞食女言大德須菩提所行無諍差牙不等
何以故行於無諍無有受苦而是無諍非身
心相應而是無諍不生樂非樂而是無諍不
生諍訟大德須菩提世尊說汝行無諍第一
何因緣故無諍說無諍須菩提言姊無諍者
無諸境界離於欲塵女言大德須菩提而是
無諍能離欲耶須菩提言姊是無諍者不能
離欲女言大德須菩提何因緣故汝說無諍
能離欲塵須菩提言姊以言說故名為無諍
女言大德須菩提夫無諍者寧可說耶須菩

提言姊是無諍者不可言說女言大德須菩
提若其無諍不可言說以何等故說名無諍
須菩提言姊如來世尊為聲聞弟子假名字
說女言大德須菩提若有假名即有諍訟若
有諍訟即有顛倒若有顛倒非沙門法須菩
提言姊何等是沙門法女言大德須菩提無
有文字無有諍訟無有顛倒是沙門法亦不
分別是法非法是沙門法又不分別憶想不
憶想是沙門法離一切著是沙門法非境界
非不境界是沙門法非染非縛非不染縛是
沙門法無心離意識是沙門法知足是沙門
法少欲斷貪是沙門法離諸希望非動非發

非不動發是沙門法離一切境界無所取故
是沙門法離於陰魔無所染著是沙門法斷
結使魔更不生故是沙門法遠離死魔無諸
動搖是沙門法思惟不親近於天魔是沙門
法一切法空無有汙染是沙門法無想離一
切想是沙門法無願無執著是沙門法不行
三界離一切想是沙門法守護諸根是沙門
法遠離諸入是沙門法善自調伏離諸戲論
是沙門法寂靜無起是沙門法無所愛著亦
無起發是沙門法無我我所無高無下是沙
門法離觸無染是沙門法遠離世法是沙門
法善知於陰解趣法性是沙門法諸界無界

無所親近無所礙故是沙門法離有爲法是
沙門法諸法如虛空是沙門法說是沙門法
時中門所集聽法諸天有四十天子遠離塵
垢得法眼淨復有五天子向甚深法聞是女
辯發於無上正真道心今時大德須菩提生
希有心作如是念而此女人其辯如是是如
來化必定無疑爾時是女知大德須菩提心
心所念說如是言大德須菩提汝作是思惟
而此女人是如來化必定無疑大德如是如
是如汝所思何以故如來知如我亦知如以
是義故如來化我若如來覺如我亦覺如以
是義故如來化我若如來色如我亦色如以

是義故如來化我若如來受想行識如我亦
受想行識如以是義故如來化我若如來如
一切衆生如若我如是如一如以是義故如
來化我若如來如一切法如若我如是如一
如以是義故如來化我若如來如無不如我
如無不如是如常如無不如以是義故如來
化我是如來如無生無滅我如亦爾無生無
滅以是義故如來化我若如來如若如來化
如若我如若一切衆生如若一切法如是等
如常真不異不變不易中無所成是如如是
往一切法以是義故如來化我爾時大德須
菩提即復問言姊汝以佛力知於我心爲自

力知女言大德須菩提生聲聞緣覺若諸菩薩若五通仙知衆生心知他人心皆以佛力知於他心何以故是等所行皆由佛力能知他心大德須菩提亦以佛力知於他心大德須菩提喻因日月光珍寶電星等光明眼之人由之見色大德須菩提世間如是無明所蔽有知他心皆因如來知於他心爾時大德須菩提言姊當爲我說汝云何得如是辯也女言大德須菩提若有人問如來所化汝是誰耶而是所化當云何答須菩提言姊無所答也女言大德須菩提一切諸法亦復如是皆是化相如是知已則無所答復次大德

須菩提若有問汝汝是凡夫為是學人是阿
羅漢如是問已汝云何答爾時大德須菩提
如是思惟我當云何答此姊也即時須菩提
聞空中聲曰大德須菩提汝有所得所解趣
證以是義故名阿羅漢汝答是姊爾時大德
須菩提聞空中聲已即答女言姊我非凡夫
非是學人非阿羅漢女言大德須菩提汝持
何名須菩提言姊如來化持於假名我亦
如是持於假名女言大德須菩提汝非羅漢
斷諸漏耶如來說汝行無諍第一應受於供
須菩提言姊我非阿羅漢非盡諸漏非行無
諍為最第一亦非應供女言大德須菩提何

故妄語須菩提言姊若我今者許阿羅漢諸
漏已盡行無諍第一應受供養即是妄語我
無所許是故我今非是妄語亦非實語女言
大德須菩提汝今不誑門中所集見於聖諦
諸天子耶須菩提言姊若見聖諦無有能誑
女言大德須菩提汝見聖諦耶時須菩提答
言見已女言大德若見聖諦不名聖諦何以
故無有能見諸聖諦者女言大德須菩提非
見聖諦耶須菩提言姊我不說實亦不說虛
姊我不見虛何況見實爾時大德須菩提復
問女言姊見聖諦者何所言說女言大德須
菩提見聖諦者不見一切諸法名字見聖諦

者見倒名字。須菩提言：姊，汝何因緣說如是事？女言：大德，須菩提。若有顛倒起，諸結使見聖諦，已更不復起。以是故說見顛倒者見諸聖諦。爾時諸天即現其身，禮於大德。須菩提已說如是言：大德，須菩提。大得利益。汝從是姊聞如是辯。今諸衆生大得善利。聞法信解。何以故？非多解者無有解脫，非多解者有於繫縛。是何所解？爾時女語大德：須菩提，汝不乞食欲，不食耶？須菩提言：姊，我於今日聞是法，足不欲於食。姊貪於飲食，則生憂愁。非是求法求利養讚歎，非是求法求安樂身。非是求法護惜心身命，非是求法乃至受於讚歎。

善哉非是求法須菩提言姊汝今復說云何
善男子善女人正求於法女言大德須菩提
若受惡欲非是求法若不求眼不求於色是
人求法不求耳聲不求鼻香不求舌味不求
身觸不求意法是入求法復次大德須菩提
若不求陰不求入不求界是人求法不求欲
界色界無色界是人求法若不相求一切境
界是人求法爾時大德須菩提言姊汝可悔
過我今欲去女言大德須菩提猶如地界無
有悔過大德須菩提心亦如是同於地界不
應悔過猶如水界無有悔過心亦如是同於
水界不應悔過猶如火界風界空界無有悔

過心亦如是同於空界不應悔過大德須菩
提猶如橋船浮囊王道無有悔過大德須菩
提心亦如是同於橋船浮囊王道不應悔過
大德須菩提凡夫悔過非諸聖耶若起瞋恚
則有悔過若無瞋無纏無忿無諍不起結使
如是等人不應悔過大德須菩提猶如火熾
是故有滅無熾則無滅如是大德須菩提若
結熾然則有悔過若滅諸結則無悔過今時
須菩提復語女言姊汝何求趣能如是吼師
子吼也女言大德須菩提若有所求則不能
吼師子吼也大德須菩提若無所求能師子
吼何以故若有所求即便是有若有所無

師子吼有身見者則有所求有見作者無師
子吼大德須菩提汝向所言姉汝何所趣大
德須菩提若有問汝汝何所趣漏盡無生心
得解脫耶須菩提言姉若有所求無有解脫
女言大德須菩提汝如是求則盡諸漏得無
漏心若如是趣是趣解脫是趣法性爾時大
德須菩提言姉汝趣大乘無有疑也如行相
貌必定趣向無上大乘女言大德須菩提汝
知大乘耶說行相貌須菩提言姉若諸聲聞
不聞大乘諸行相貌不能知說姉我今請汝
說大乘行所有相貌女言大德須菩提夫大
乘者名無一異大德須菩提如日月宮為速

疾見天之所持故不住於空速疾而去無有
滯礙為諸衆生而作照明大德須菩提向於
大乘大丈夫等亦復如是無礙無著行六波
羅蜜而無有住為諸衆生作法光明大德須
菩提如轉輪王寶輪若去四兵亦從如轉輪
王行四天下人見適意生恭敬心是轉輪王
無有惡心常生慈心大德須菩提向於大乘
大丈夫等亦復如是隨有所行在在處處若
村邑聚落國城王宮於諸衆生起平等心無
有異行大德須菩提大乘者名曰大智天龍
夜叉軋闍婆智慧大丈夫之所恭敬以是緣
故名為大乘是盡智無生滅故是不斷智不

斷佛種故是攝取智不斷法種故是守護智
不斷僧種故是廣博智教化無量諸衆生故
是善持智無斷絕故是善作業智六波羅蜜
故是善攝智四攝法故是善相應智親近以
聖道故是善調智正念菩提心不忘失故是
善安止智大悲心故是善趣智一切智故是
離諸怖智降諸魔故是離闇智大慧炬故是
大財智成就一切諸善根故是恭敬智諸天
及世所恭敬故是無降伏智一切外道故是
難解智一切聲聞緣覺人故是清淨智不信
人故是慈愍智瞋害人故是能施智慳惜人
故是持戒智破戒人故是忍辱智瞋恚人故

是精進智懈怠人故是禪定智亂心人故是
大慧智無智人故是大富智貧窮人故是安
樂智苦惱人故是歡喜智聰慧人故以是事
故名曰大乘尔時大德須菩提言姊善說大
乘諸行相貌女言大德須菩提我若一劫若
過一劫讚說大乘不得邊際大德須菩提是
大乘無量諸行相貌亦復無量須菩提言姊
汝呵責我大德須菩提何故乞食姊如來法
王亦復乞食汝可呵責如來乞食耶女言大
德須菩提汝知如來以何方便而行乞食汝
不能說須菩提言姊如來世尊以何方便而
行乞食女言大德須菩提佛見成就於二十

事無過患故而行乞食何等二十示現色身故
如來乞食若有衆生見如來身具三十二相
是諸衆生見此色相發於無上正真道心是
名如來見成就初無過患故而行乞食復次
大德須菩提如來入於村邑聚落國城王宮
盲者見色聾者聞聲亂得正念裸者得衣飢
者得食渴者得飲無有衆生為貪欲瞋恚愚
癡所逼尔時衆生各生慈心起父母想是諸
衆生見於如來入村邑聚落國城王宮發於
無上正真道心見是義故如來乞食復次大
德須菩提如來入村邑聚落國城王宮天龍
夜叉軋闍婆等釋梵護世欲供養故從如來

行亦時諸人以佛力故見諸天龍夜叉輒闍
婆釋梵護世供養於佛是諸衆生見如來身
有如是事生驚恠心歎未曾有發於無上正
真道心見是義故如來乞食復次大德須菩
提無量衆生以封邑錢財國位自在而生放
逸憍慢貢高見如來乞食生如是念捨轉輪
王位出家成道捨於憍慢從貧下賤而行乞
食我等亦應調伏憍慢貢高之心如是見已
發於無上正真道心見是義故如來乞食復
次大德須菩提如來行乞威德威德諸天觀
見如來之身無飢渴逼亦非羸瘦唯爲憐愍
諸衆生故而行乞食我等亦當爲衆生故而

行乞食如是見已發於無上正直道心見是
義故如來乞食復次大德須菩提有諸衆生
懈怠懶惰不往佛所然欲見如來右繞禮拜
是故如來入村邑聚落國城王宮是等衆生
自然得見於佛如來既得見已心生喜悅是
等衆生得喜悅已即發無上正直道心見是
義故如來乞食復次大德須菩提若有衆生
眼得見佛即得無癡乃至一念見於如來是
諸衆生次第漸漸乃至涅槃爲作因緣以能
發生是因緣故如來乞食見是義故如來乞
食復次大德須菩提如來入於村邑聚落國
城王宮閑繫衆生即得解脫是諸衆生即生

是念以如來力故我得解脫是諸衆生於如
來所生知恩心發於無上正真道心見是義
故如來乞食復次大德須菩提有善男子善
女人聞讚歎如來所有功德心生歡喜生如
是念我等云何當供佛食又家有女爲父母
所護或爲兄弟姊妹所護或爲姪章夫王守
護是等不得奉施佛食是故如來入村邑聚
落國城王宮見如來已心生歡喜踊躍悅豫
受於安樂施佛食已發於無上正真道心見
是義故如來乞食復次大德須菩提四護世
王奉如來鉢如來手持若貧衆生欲少惠施
見如來鉢滿有大富封邑欲多惠施見佛鉢

未滿如是等人欲足滿佛鉢既奉施已發於
無上正直道心見是義故如來乞食復次大
德須菩提如來鉢食施一切僧而是鉢食無
增無減爾時多諸天龍夜叉軋闍婆阿脩羅
迦樓羅緊那羅摩睺羅伽見如來鉢有是神
力發於無上正直道心見是義故如來乞食
復次大德須菩提如來鉢盛正非正食百千
種味味各別不相和同如別異器是一鉢
盛亦復如是是時多諸天龍夜叉軋闍婆阿
脩羅迦樓羅緊那羅摩睺羅伽見於如來如
是神力發於無上正直道心見是義故如來
乞食復次大德須菩提如來身者是一合體

其內不空猶如金剛是如來身無生熟藏無
大小便亦行乞食見其食食而食不入介時
威德威德釋梵護世見如來身真實法性及
神通力發於無上正真道心見是義故如來
乞食復次大德須菩提若有衆生若多若少
若妙非妙施如來已福無邊際乃至涅槃見
是義故如來乞食復次大德須菩提如來世
尊常定不起亦行乞食是時多諸威德威德
釋梵護世見於如來而行乞食於定不動是
等生念必定無疑爲衆生故進行乞食非爲
食也見是神力發於無上正真道心見是義
故如來乞食復次大德須菩提如來若當不

行乞食若當不食或有諸人佛法出家生如
是念我等亦當不行乞食亦應不食是等便
當飢渴羸瘦不能得於過人智慧見是義故
如來乞食復次大德須菩提善攝聖種故如
來乞食見是義故如來乞食復次大德須菩
提憐愍來世諸比丘故如來乞食後末世時
諸不信敬婆羅門等及諸長者當說是言汝
等世尊不行乞食何故汝等行乞食也若如
來乞食是婆羅門諸長者等當作是念汝等
世尊本行乞食何故汝等不行乞食我等應
施又諸如來法應行乞讚歎乞食見是義故
如來乞食復次大德須菩提若長者長者子

諸大豪貴於佛法出家生於慙耻不能乞食
作是念言云何我等豪族大家既出家已當
於家家而行乞食如是等人隨學大德威德
如來而行乞食見是義故如來乞食復次大
德須菩提如來隨於一切世行何以故隨在
在處諸衆生孰是在在處如來隨行如來亦
無飢渴所逼無貪無著亦無戲弄亦無惡求
無所聚集大德須菩提如向所說及餘諸事
如來見是無量方便而行乞食大德須菩提
見此二十無過患事如來乞食女言大德須
菩提能如是方便行乞食耶如是大悲如是清
淨應受供耶須菩提言姉我無力也姉猶如

兔猫諸野干等不能莊嚴作師子獸王作師子行作師子吼姊諸聲聞緣覺亦復如是不能示現如來威儀方便大悲是女說此如來乞食方便之時家內眷屬及諸餘家入聽法者二百八十人發於無上正真道心尔時大德須菩提又問女言姊汝之夫主今何所在女言大德須菩提我之夫主非止一耶何以故大德須菩提若有衆生喜於樂欲莊嚴方便得調伏者皆我夫主須菩提言姊樂莊嚴方便者爲何如也女言若有衆生須諸樂欲我施衆生諸所樂欲然後勸發無上道心須菩提言姊如來不聽樂一切欲女言大德須

菩提如佛所說汝等比丘所有衣鉢飲食卧
具病瘦醫藥若親里家或所乞家所居住處
親友和上阿闍梨所親近供養增長善根滅諸
惡法比丘是我所聽須菩提言姊如是如是
如汝所說女言大德須菩提以是事故如來
聽樂於一切欲須菩提言姊有幾衆生以此
樂欲莊嚴方便之所調伏女言大德須菩提
能數三千大千世界所有色相得其邊際若
數於我莊嚴方便已調衆生不得邊際須菩
提言姊與樂欲衆生爲何如也女言大德須
菩提若有衆生樂向梵世我與是等一切衆
生無量諸禪禪喜樂已然後勸發無上道心

或有衆生樂趣向於釋提桓因與是衆生帝
釋樂已然後勸發無上道心若有衆生樂向
護世我與衆生護世樂已然後勸發無上道
心若有衆生樂向天龍夜叉軋闍婆阿脩羅
迦樓羅緊那羅摩睺羅伽樂我與天樂乃至
摩睺羅伽樂已然後勸發無上道心若有衆生
志意樂向轉輪王國我與轉輪王國樂已然
後勸發無上道心若有衆生樂小國王我亦
施與小國王樂已然後勸發無上道心若有衆
生樂向長者刹利婆羅門毗舍首陀我與長
者刹利婆羅門毗舍首陀樂已然後勸發無
上道心若有衆生樂向色聲香味觸樂我與

色聲香味觸樂然後勸發無上道心若有衆
生樂向華香末香塗香幢幡寶蓋及諸衣服
我與華香末香塗香幢幡寶蓋衣服樂已然
後勸發無上道心若有衆生樂向金銀琉璃
頗梨諸珍寶等我與金銀琉璃頗梨珍寶等
樂然後勸發無上道心若有衆生樂向鼓唄
笙篴橫吹簫笛歌儻音樂等樂大德須菩提
我隨如是諸衆生等所有希望所求所樂一
切給與然後勸發無上道心須菩提言姊是
五欲者障礙聖道云何五欲調伏衆生尔時
門外二長者子已爲此女樂莊嚴方便之所
調伏是二長者子即語大德須菩提言大德

汝今不應以自智慧分別選擇菩薩智慧大
德猶如小燈一吹即滅大德須菩提學聲聞
乘善男子善女人小智慧照亦復如是起一
欲想尋即滅失大德須菩提於意云何若劫
燒時大火炎聚若口一吹能令滅不須菩提
言善男子善女人若以百千大海之水亦不
能滅況一口吹大德須菩提菩薩功德智慧
照明亦復如是恒沙等劫受五欲樂亦不能
滅菩薩功德智慧照明大德須菩提如貧人
病醫救湯藥苦澁甜酢賤易得者是時病人
身受苦故服是等藥苦澁甜酢以貧窮故堪
忍飢渴得脫病患大德須菩提學聲聞乘諸

善男子善女人等亦復如是行於頭陀功德
威儀以正行故少欲知足諸苦行故住阿練
處故好非好食故少知識故受諸苦惱然後
得於無取解脫大德須菩提如是方便學聲
聞乘得解脫者亦復如是如貧治病大德須
菩提猶如刹刹灌頂王諸王諸良醫授王所
服好色香味藥入口腹身受安樂亦獻妙味
王所應食及奉一切華香末香塗香散香又
作伎樂歌舞讚歎受於快樂爲令大王無愁
苦故是諸良醫如是如是娛樂於王令脫病
患大德須菩提亦復如是多有菩薩以樂瓔
珞莊嚴方便受於一切五欲樂已然後得成

無上正道大德須菩提汝當知之以是方便
治於刹刹灌頂王病菩薩智解亦復如是
大德須菩提五欲無根亦無住處是一切智亦
復如是無本住處是一切智自知何者是所
應作所不應作於五欲樂非樂非不樂獨無
侶故是一切智亦無功德無所得故得是忍
者是人自知何等是道何等非道五欲樂空
一切智空是得忍人不歷五欲是人自見五
欲過患而呵責之

爾時大德須菩提問長者子誰是汝親是時
長者子合十拍掌向女說偈
此是我父母 親友施我樂 是斷惡道主

是我無上尊

此是我大恩

是亦教化我

是勸喻我故

斷我一切苦

為我說妙法

解了一切理

我受使安樂

亦勸我無諍

如魚為食故

為鈎所牽執

樂樂亦復爾

以攝取我等

如鳥為食故

為網羅所持

我方便亦爾

墮在於智慧

猶為虵所螫

以毒滅於毒

欲瞋亦復爾

亦以毒除毒

如人為火燒

還以火炙除

結燒亦復爾

還因結解脫

我已知正法

我不用姪欲

凡夫須欲故

不欲菩提道

爾時須菩提言姊汝以樂莊嚴方便為調誰

耶善男子耶善女人耶女言大德須菩提若

不以此樂莊嚴方便不能教化一切衆生大
德須菩提女人之心多貪樂著非男子也大
德我以樂莊嚴方便多調伏女非男子也須
菩提言姉女是女身云何調女爾時是女神
力化身如三十二盛壯男子端正妙色白淨
鮮潔威德第一以種種瓔珞自莊嚴已語大
德須菩提以如是色身調伏女人須菩提言
汝今是女爲是男耶荅言大德須菩提汝是
凡夫爲是學耶須菩提言善男子我非凡夫
亦非是學即復荅言我亦如是非男非女須
菩提言若非男非女汝持何名荅言大德須
菩提汝非凡夫亦非是學云何持名爾時大

德須菩提作如是念深智大菩薩我應當答
云是羅漢爾時是善男子知大德須菩提心
之所念語大德須菩提言大德汝應勇進許
是羅漢勿懼詰問須菩提言善男子我是羅
漢諸漏已盡即復問言大德須菩提於去來
現在爲盡何漏若過去盡過去無盡若未來
未至亦無有盡現在無住亦無有盡須菩提
言善男子我實不任共相酬答我今時到欲
乞食而食勿令失時尔時是善男子入示現
一切佛刹三昧爾時大德須菩提即見無量
無邊阿僧祇諸佛刹土或見佛土日初出時
或見佛土日小食時或見佛土日大食時或

見佛土擊捷椎時或見僧坐或見僧食或見
洗鉢或見日中或見日晡或見過晡或見日
沒或見初夜或見中夜或見後夜或見無日
無月身光爲照爾時是善男子語大德須菩
提言汝今觀之汝今觀之欲何時食汝今觀
之有幾時在須菩提言善男子我今應以閻
浮提時不以他方佛刹時食爾時是善男子
以神力故令此日中如小食時語須菩提言
大德須菩提汝觀是日爲有幾時大德須菩
提以親善故如是問言善男子汝名字何今
當說之荅言大德須菩提用我名爲大德須
菩提汝問世尊當爲汝說大德一切名非名

何以故一切妄想無有實故若妄想無實假
名相說須菩提言善男子一切智名亦是妄
想不真實耶答言大德須菩提亦是妄想無
有實也何以故一切智名無量無邊各各佛
刹各說其名須菩提言善男子是一切智其
名云何答言大德須菩提或有佛土名一切
智爲分別光或名遍照或復名曰示一切智
或名增勇或名大光或名現在或名持地或
名大降伏或名大普大德須菩提如一切智
無量名字色亦如是無量名字受想行識亦
復如是無量名字諸界諸入念處正斷神足
諸根諸力諸覺諸道一切助道法各各佛土

無量名字大德名有何實大德須菩提以是
方便當知一切名字非名一切名字妄想非
實尔時大德須菩提歎王舍城諸大長者婆
維門等大得善利有是應供在此宿止復語
大德須菩提言汝今能知世應供耶須菩提
言善男子如我所知今當說之若有持戒脩
行善法善入禪定其心不亂是等名為世應
供也答言大德須菩提所說應供亦不具足
須菩提言善男子汝今當說云何應供答言
大德須菩提若於一切諸衆生等無大悲心
不名應供大德須菩提是應供名不斷佛種
法種僧種如是應供能斷一切衆生結使如

是應供智慧無盡功德無盡諸辯無盡如是
應供是凡夫侶非聖人伴侶是世應供衆生
見者得法眼淨尔時有天恒常隨從大德須
菩提未成正定聞說如是應供地時心得歡
喜發於無上正真道心既發心已五體投地
語大德須菩提言我今悔過更不隨從大德
行也爾時善男子即問天言汝今何故向大
德須菩提而悔過也天女答言我十二年恒
從大德須菩提行未曾聞說是應供地我今
聞此應供地也發於無上正真道心我作是
念若存在在處處聞說如是淨應供法我往其
所若諸菩薩聚會演說菩薩法處我往是處

尔時大德須菩提聞此天女發如是心即勸
譽言天女汝得善利於佛深法發無上道心
天女我今惱熱於一切智法非其器故當何
所為天女若我未斷一切諸漏得心解脫我
亦當發無上道心天女汝常如是近善知識
恭敬讚歎右遶禮拜如是大善諸丈夫尊亦
能說於未曾聞法聞是法已而不忘失大德
須菩提語天女言我今亦復向汝悔過我本
不知汝之意故勸聲聞法天女答言我為大
德須菩提說於一衆生不觀其根不應勸於
聲聞乘也何以故大德須菩提求菩提道者
不願於聲聞乘也大德須菩提雖為飢渴之

所逼切終不食於雜毒之食。如是大德須菩
提求菩薩者願不聞於聲聞乘也。爾時是善
男子語天女言無上正道甚難成就。若小莊
嚴難得正覺。天女答言善男子無上正道雖
難成就我如是行得不廢進。是善男子問天
女言汝云何行。天女答言於諸衆生行平等
心解脫一切諸衆生故。堪任荷擔諸衆生故
成熟一切諸衆生故。令一切衆生解苦樂故。
善男子我行如是善男子言天女有取相者
於一切衆生無平等心。若爲我結所繫縛者
不能解脫一切衆生依止陰者不能爲於一
切衆生作於荷擔。若有憶想諸善根者不能

成熟一切衆生若有我相及他相者不能解
了衆生苦樂是時天女隨所教勅得順法忍
尔時天女於中門外散種種華以用供養是
善男子尔時是善男子現本女形衣服莊嚴
語大德須菩提大德小待我持食來尔時是
女即入家中持百味食來語大德須菩提大
德須菩提汝非離欲非不離欲非離於瞋非
不離瞋非離於癡非不離癡非離結使非不
離結使汝受此食大德須菩提汝不知苦不
斷於集不證於滅不修道者受於此食大德
須菩提汝若不修於四念處不修四正勤不
修四如意足不修五根不修五力不修七覺

不修八聖道汝受此食大德須菩提汝不起
身見得一道心受於此食大德須菩提汝滅
無明證明解脫進於諸行證於無爲不行於
識更無有生得於解脫不增長名色過於三
界六入非入知空解脫不受於觸修無相解
脫不見受故證無願解脫無有愛故知解於
如取不動故知於無生知有非集知生無生
知老死無去知十二緣無生無貪汝受此食
大德須菩提汝不見佛不聞於法不親近僧
受於此食大德若知五逆等同法性受於此
食大德不此命終非餘處生受於此食大德
若貪平等同無諍平等若瞋平等同無諍平

等若癡平等同無諍平等受於此食大德汝
不過凡夫地不成聖地受於此食大德汝不
從明入明不墮生死亦不涅槃又不實語亦
不妄語受於此食大德汝盡無盡不分別無
盡於陰界入亦不動搖思無所依又無諍訟
於諸衆生而無所礙於一切法心無繫縛受
於此食大德汝所爲出家不得是法受於此
食大德汝出家願不是願入涅槃受於此食
若大德須菩提無諍地獄亦無諍大德須菩
提不取應供受於此食大德須菩提若人於
汝起應供想是人誹謗於須菩提大德汝非
應供亦不畢施不任應供大德若成此法受

於此食尔時大德須菩提於中門外七過動
身申於右手語是女言姊爲我善說成就是
法時女歎言善哉善哉大德須菩提即授與
食授與食已說如是言大德須菩提如是應
供平等受食世所難遇若憍慢故許是平等
清淨受供墮於地獄尔時天女問大德須菩
提言大德須菩提此女何緣說如是法汝何
不荅須菩提言天女汝意云何幻人能說是
因非因耶天女言不也大德須菩提須菩提
言如是如汝所說諸法如幻我何言荅天女
若諸衆生言說虛實同我平等何以故是諸
言說如幻平等說於如是受食法時有百天

子得法眼淨

尔時是女向須菩提悔過悔過已語大德須菩提
提隨意善去汝持此食往至佛所我亦當往
詣於佛所尔時大德須菩提持所乞食出王
舍城聞是法故心生歡喜不甘於食時大德
須菩提心念此食當施於誰隨施食處令不
失果尔時有菩薩名不汙一切法知大德須
菩提心所思念即詣大德須菩提所到已語
大德須菩提言此食施我不失果報須菩提
言善男子汝安住戒耶荅言大德須菩提不
受諸法中無持戒破戒大德須菩提我殺盜
婬妄語兩舌麁語綺語貪瞋邪見尔時大德

須菩提思其所說如此善男子所得言辯我
今當問所說因緣須菩提言善男子何因緣
故說如是語尔時不汗一切法菩薩向大德
須菩提而說偈言

我道甚清淨

無上菩提道

百千億衆生

在於此道中

以此緣故說

我殺諸衆生

名爲殺衆生

能淨是道者

菩提非天與

亦非釋梵與

無與自然得

以是緣我盜

大乘無與者

不依止下乘

我說是大乘

以是故我盜

知於邪婬故

智慧者求法

不用欲故欲

如是行邪行

如所有假名

爲渴仰者說

一切語妄語

以是故妄語

若有諸衆生 依止於下乘 破壞如是等
勸發於大乘 如是兩舌者 破壞諸外道
墮非道衆生 安止平坦地 若能呵責者
是無有愛語 說於麁惡語 降伏一切魔
說於麁惡語 心亦無瞋恚 健者見方便
教化衆生故 知說何因緣 隨因緣而說
是名爲綺語 知億數衆生 或說於真實
或知於妄語 以是故綺語 演說於正法
若一切衆生 咸受人天樂 復求於出過
求望一衆生 若喜樂相應 調世者利益
智慧者施與 一切衆生樂 所演說貪者
所貪者如是 常作如是願 諸衆生作佛

正法欲滅時

勇健者攝持

捨失於身命

不捨佛正法

無所畏示現

諸衆生諍訟

及一切外道

攝持正法故

若攝取一劫

若攝一億劫

不捨正法故

然後不妄語

勇健者邪見

一切有爲邪

亦知於邪見

進入於正見

有如是法者

是安住持戒

住於無住者

慧者覺菩提

尔時大德須菩提以所乞食施善男子說如

是言是善丈夫應受信施不失果報大德須

菩提此日不食過於晡時從三昧起往詣佛

所到已頂禮佛足先所聞法具向佛說佛告

須菩提汝今知是菩薩名不須菩提言不知

世尊佛告須菩提是菩薩名轉女身菩薩摩訶薩以樂莊嚴方便教化衆生如摩伽陀國十佉盧爲一佉利千佉利爲一車凡有如是千車芥子有人能數得其邊際不能數知此轉女身菩薩摩訶薩以樂莊嚴方便於娑婆世界所化衆生令諸人天發於無上正真道心者尔時是女與五百女人圍遶侍從出王舍城向耆闍崛山往詣佛所尔時世尊遙見是女語大德須菩提須菩提汝今見是五百女來不須菩提言見已世尊佛言此諸女等是轉女身菩薩摩訶薩以樂莊嚴方便之所成熟皆已安住無上正真道心尔時是女與

五百女圍遶侍從到佛所已頂禮佛足却住
一面五百女人亦頂禮佛足却住一面尔時
大德須菩提往詣女所合掌恭敬尔時大德
舍利弗語大德須菩提汝今得於非聖法耶
汝今住於非聖戒耶恭敬女人爾時是女語
大德舍利弗大德汝今知世聖非聖耶若不
能說當默然住舍利弗言姉汝能知聖及非
聖耶女言大德舍利弗我能知之舍利弗言
姉云何知也女言大德若不斷聖種是名爲
聖若不斷佛種法種僧種是名爲聖若行悲
心欲令一切非聖解脫是名爲聖大德舍利
弗寧爲女人種種瓔珞而自嚴飾著瞻蔔華

變受五欲樂不離無上正真道心增長於聖
勝阿羅漢修八解脫寂靜諸漏大德舍利弗
我今說喻以琉璃椀盛水精珠以無價寶置
糞穢中舍利弗汝意云何舍利弗言姉寧無
價寶置糞穢中非琉璃椀盛水精珠如是大
德舍利弗若有女人住於無上正真道心出
過諸聖非阿羅漢修八解脫住於寂靜斷諸
漏勝大德舍利弗言姉汝向大乘耶女言是
大乘體無向無還舍利弗言姉若是大乘無
向無還向大乘者爲何所趣女言大德舍利
弗是向大乘即是趣向無明無盡乃至向於
老死無盡何以故大德舍利弗無明不可盡

乃至老死亦不可盡無盡即是無生法性若
生是盡則無生無盡大德舍利弗緣合生法
是法無諍爾時大德舍利弗白佛言世尊誰
能選擇人世尊而此女人以是瓔珞而自莊
嚴得成是辯女言大德舍利弗此辯非是瓔
珞莊嚴舍利弗言婦是誰辯耶女言大德舍
利弗菩薩莊嚴八種瓔珞若莊嚴已得於菩
薩無礙之辯何等八不失菩提心瓔珞莊嚴
住於究竟大悲之心瓔珞莊嚴一切衆生無
有礙心瓔珞莊嚴進求多聞無有猷足瓔珞
莊嚴善能觀察如所聞法瓔珞莊嚴化諸衆
生亦不見於一切諸法瓔珞莊嚴善知方便

分別甚深緣合生法善知一切衆生諸根瓔
珞莊嚴諸佛受持善知方便瓔珞莊嚴大德
舍利弗是名八種瓔珞莊嚴若有菩薩以是
瓔珞自莊嚴已得無礙辯爾時大德舍利弗
白佛言世尊而是女者於何命終而來生此
爾時是女於舍利弗前化一女身如已無異
是女即語大德舍利弗言汝問是女於何命
終來生此間舍利弗言姊此女是化化無生
死女言大德舍利弗如是如是如汝所說如
來正覺一切諸法皆如化相若有知是一切
諸法如化相者無有生死爾時佛告舍利弗
是菩薩摩訶薩名轉女身從阿闍佛土來至

於此化衆生故舍利弗是轉女身菩薩摩訶
薩此娑婆界成熟無量無邊衆生住於無上
正真之道。爾時轉女身菩薩以是色身五體
投地說如是言。世尊若不說我無上道。記及
轉女身成男子身。我今不起於佛足前。五百
女人亦五體投地發此誓願。世尊我等今者
於佛足前亦皆不起。亦當說我無上道。記。爾
時世尊即便微笑。佛世尊法若微笑時。如來
口出無量種種妙色。光明青黃赤白紫頗梨
色。出已普照無量無邊諸佛世界上。至梵世
閻蔽日月還遶佛三匝。入如來頂。爾時大德
阿難以佛力故。即從座起。偏袒右肩。右膝著

地向佛合掌白佛言世尊諸佛微笑非無因緣今何緣笑佛言阿難汝今見是轉女身菩薩及五百女五體投地禮我足不見已世尊佛言阿難此轉女身菩薩摩訶薩過無數劫當成無上正真之道号曰功德光王如來出現於世得佛道已是五百女作菩薩衆得陀羅尼得無礙辯亦得如此轉女身菩薩所說八種瓔珞莊嚴尔時是功德光王佛爲是五百菩薩說無上道記阿難功德光王佛土豐饒安隱快樂甚可愛樂人天衆多彼土衆生所受用物如兜率天阿難尔時佛刹無女人名何以故一切衆生皆悉化生於蓮華藏加

跌而坐修淨梵行以如上瓔珞而自莊嚴是
時轉女身菩薩及五百女聞佛說記歡喜踊
躍受持快樂上昇虛空高七多羅樹即成男
子其狀猶如十六童子從空而下合掌瞻佛
爾時世尊申金色右臂以摩其頂即得三昧
名曰遍照尔時佛告大德阿難阿難汝受持
此經讀誦通利爲他廣說阿難白佛言世尊
我受持此經世尊此經何名當受持之佛言
阿難此經名樂瓔珞莊嚴方便品汝受持之
亦名轉女身菩薩問答爾時世尊說是法已
轉女身菩薩摩訶薩及十方來集菩薩摩訶
薩大德須菩提大德舍利弗大德阿難一切

大衆天龍夜叉人及非人間世尊說已歡喜
信受轉女身菩薩說樂瓔珞莊嚴方便經具
足竟

樂瓔珞莊嚴經

樂瓔上吾教反吾弥下弥忍反弥振上直觸耕石兔上他猫及下音

音苗下音頌敗梵笙二字音空候鈞古侯反

甜酢上徒下七故反今糖味也醋螫呼各反一音釋虫行

詰問上起一反捷稚下直利反如前荷擔上碩可反十

佞下丘迦反瞻木下蒲反北又音通呼

都壘反

